

**Dumonda Favre Accola concernent las cifras decisivas da la populaziun permanenta
(inclusiv stagiunarias e stagiunaris sco er dimorantas e dimorants durant l'emna)
per calcular la grondezza da las zonas da construcziun en las vischnancas**

En las revisiuns da las basas per las planisaziuns localas, che vegnan actualmain realisadas en tut las vischnancas, gioga la calculaziun da la grondezza da las zonas da construcziun ed en spezial da las zonas d'abitar, maschadadas e da center (ZAMC) ina rolla principala. Tenor las directivas surordinadas sa drizza questa calculaziun tenor il basegn effectiv per ils proxims 15 onns. Vischnancas cun ZAMC surdimensiunadas èn sfurzadas da reducir lur reservas da surfatschas. La valitaziun dal basegn sa basa principalmain sin ils dumbers d'abitantas e d'abitants actuals e prognostitgads. Tenor l'Uffizi federal da statistica (STATPOP) è decisiva per quest intent la valur da la populaziun permanenta.

Actualmain sa mussi dentant, che questas basas da calculaziun na tegnan – en blers regards – betg quint sufficientamain da las particularitads da las vischnancas turisticas grischunas e da lur sfidas en connex cun crear spazi per emprimas abitaziuns. Las vischnancas èn prontas da crear spazi per emprimas abitaziuns u da sustegnair iniziativas che vulan crear spazi per emprimas abitaziuns, ma obstachels en la planisaziun dal territori impedeschan quai.

I n'è betg chapavel che las forzas da lavur stagiunalas, ch'èn fitg impurtantas per las vischnancas turisticas, na giogan simpla-main nagina rolla en questas calculaziuns. Er questas forzas da lavur stagiunalas (populaziun betg permanenta) dovràn spazi d'abitar. En vischnancas turisticas, nua che 10–30 pertschient (!) da la populaziun n'è betg permanenta, è quai in'ulteriura gronda sfida. Senza spazi d'abitar naginas forzas da lavur, senza forzas da lavur vegn frànà il motor economic dal Grischun.

Sche las forzas da lavur stagiunalas sco er las dimorantas ed ils dimorants durant l'emna vegnan quintads vitiers a la populaziun permanenta, sa midan decisivamain las basas per calcular la grondezza da las ZAMC. Tut las vischnancas pertutgadas surpassan cleramain il scenari «aut» da la prognosa.

Las sutsegnadras ed ils sutsegnaders dumondan la Regenza:

1. Co garantescha la Regenza grischuna, che las surfatschas da construcziun vegnian calculadas cun tegnair quint da las particularitads da las vischnancas grischunas ed en spezial da las vischnancas turisticas (mancanza da spazi per emprimas abitaziuns, situaziun da pretschs auts, consideraziun dal basegn stagiunal)?
2. Ha il chantun Grischun gia già discurs sin plaun federal en chaussa?
3. Datti auters puncts qualitativs che vegnan resguardads memia pauc per dimensiunar la grondezza da las zonas da construcziun en las vischnancas grischunas?
4. Tge mesiras supplementaras prenda la Regenza per segirar ils interess da l'economia e da la populaziun dal Grischun?

Cuira, ils 23 d'avrigl 2024

Favre Accola, Altmann, Derungs (Lumbrein), Adank, Berthod, Berweger, Bettinaglio, Brandenburger-Caderas, Brunold, Bundi, Butzerin, Candrian, Casutt, Caviezel, Collenberg, Cortesi, Della Cà, Derungs (Domat), Furger, Gansner, Gort, Grass, Haltiner, Hartmann (Pragg-Jenaz), Hefti, Heim, Hohl, Jochum, Kasper, Koch, Krättli, Lehner, Loi, Luzio, Maissen, Mani, Menghini-Inauen, Messmer-Blumer, Metzger, Michael (Castasegna), Natter, Oesch, Rageth, Rauch, Roffler, Said Bucher, Saratz Cazin, Sax, Schutz, Sgier, Sigron, Stocker, Thür-Suter, von Ballmoos, von Tschärner, Walser, Weber